




Kembara Mahkota Johor 2005 - apa rasionalnya?



Kembara Mahkota Johor 2005 dijangka akan membawa cabaran baru kepada Tunku Mahkota Johor, Tunku Ibrahim Ismail untuk mendengar rintihan dan masalah rakyatnya. Kali ini dijangka semua Ketua Jabatan Agensi Kerajaan Johor akan menyertainya. Dijangka lebih 100 buah kenderaan akan mengiringi TMJ didalam lawatan menjelajah Johor ini bermula pada hari Khamis ini 23/6/2005.

Kembara jelajah Johor ini dilakukan pada setiap tahun dan dijadikan upacara tahunan dalam kalendar Kerajaan Johor. Soalnya kini ramai yang tertanya-tanya, apakah rasionalnya Kembara ini dilakukan?

Soalnya kini , ramai pembaca yang tertanya-tanya Kembara Johor itu boleh membantu menyelesaikan masalah rakyat Johor atau sebaliknya. Ramai juga yang tertanya-tanya, berapakah perbelanjaan yang terlibat didalam melakukan projek ini? Rata-rata pembaca boleh menyamakan projek Kembara Johor ini seperti projek pelancongan yang diberikan secara eksklusif oleh istana Johor kepada semua Ketua Jabatan untuk bersantai.

Persoalan kini, sejauh manakah keberkesanan projek Kembara Johor dapat membantu menyelesaikan masalah rakyat Johor. Jangan jadikan projek Kembara Johor hanya untuk mengaburi mata rakyat dengan membelanjakan wang rakyat hanya semata-mata untuk menjelajah serta melancong.

Adalah lebih baik jika perbelanjaan yang besar itu dapat dimanfaatkan kepada program-program yang lebih berfaedah kepada rakyat Johor. Jangan jadikan program tahunan Kembara Johor sebagai batu loncatan hanya semata-mata untuk kaedah pelancongan kepada Pegawai-Pegawai Tinggi Kerajaan.

Soalnya, kemanakah menghilangnya program JPMM yang diwujudkan oleh Kerajaan Johor ketika ini?

Copyright © 2006 suarajohor.tripod.com. All rights reserved. Last updated
Semua artikel yang disiarkan adalah hasil dari pandangan pembaca yang diterima
untuk dikongsi bersama, diolah/diedit mengikut kesesuaian.